

JOYCE ANN FIGAROA REINA INFANTIL 1995

ORANJESTAD(AAN): Den Entertainment Center completamente yena, ayera anochi exactamente 11.30 or Aruba a conoce su Reina infantil di Carnaval 1995, den persona di Joyce Ann Figaroa, representante di St. Anna School di Noord.

For di momento di e presentacion no oficial cu el a presenta su discurso, por a sinti cu e lo ta un di e candidatanan fuerte, sperando ainda riba e otronan pa presenta.

Joyce Ann a demas a bay cu e premio ayera anochi di e mihor show presenta, habriendo e anochi un fantastico show, masha impactante y impresionante cu su circo. First Runnerup a resulta Shahide Kuiperi di Kids in Action, cu ademas a bay cu e premio di costum mas bunita. Second Runnerup a resulta e candidata di Sa-

vaneta Yzaira v.d. Linde mientras cu Wei Ling Tromp di Noord a termina como third runnerup, sigui pa Gisdanya Rodriguez di Colegio Oro Ubao como cuarto finalista.

Joyce Ann Figaroa lo dirigi carnaval di mucha e aña aki, y su prome acto oficial lo ta mañan durante parada di mucha na San Nicolas. E reina infantil 1995 di carnaval di Aruba a ser corona ayera anochi pa president di Camara di Comercio Randy Croes.

